



### **Damondas da baghegiar**

Nr. 61/2023

Datum da publicaziun: 26-05-2023  
Patrun: Lenz Richard, 7000 Cuera  
Representant: Robert Bund SA, 7173 Surrein  
Liug e parcella: Surrein-Giachentrina; 6494  
Object: sanaziun dil tetg e novas finiastras el tetg

Nr. 65/2023

Datum da publicaziun: 26-05-2023  
Patrun: Loretz Martin e Gabriela, 7173 Surrein  
Representant: Cajacob Giusep, 7175 Sumvitg  
Liug e parcelas: Surrein-Via Plazzas; 3931  
Object: remplazzar finiastras, construcziun d'ina nova finiastra el tetg e niev tgamin

Nr. 81/2023

Datum da publicaziun: 26-05-2023  
Patrun: Markovitch Tatiana e Taylor Robbie, 8006 Turitg  
Representant: Zoanni architectura, 7000 Cuera  
Liug e parcella: Sumvitg-Laits; 4116  
Object: sanaziun interna ed installaziun d'ina pompa da calira

Il profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 26-05-2023

*Cumissiun da baghegiar*

### **Votaziuns federalas dils 18-06-2023 mira pagina 3 da quest FUS**

**L'urna ei aviarta** (en canzlia communal)

gievga e venderdis mintgamai duront las uras da spurtegl  
dumengia, ils 18-06-2023, dallas 10.00 – 11.00 uras

**Sonda e dumengia, ils 17 e 18 da zercladur 2023 mintgamai avon il survetsch divin en las fracziuns.**

Il cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

**Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 26-05-2023

*Biro electoral*

## **Radunonza da vischnaunca**

La proxima radunonza da vischnaunca ha liug gievgia, ils 15 da zercladur 2023 allas 20.00 uras a Cumpadials.

### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-12-2022
4. Rendaquen 2022
5. Rapport dils revisurs ed approvaziun dil quen annual 2022
6. Tractaziun ed approvaziun dil project da lavineras per igl uaul da Puzastg e concessiun dil credit brut da 650'000 francs
7. Orientaziuns
8. Varia

Sumvitg, 26-05-2023

*Suprastonza communal*

## **Temps da vacanzas - examinaziun dils documents da viadi**

En paucas jamnas entscheiva il temps da vacanzas. Persunas che visetan tiaras digl exterior ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Per quei supplichein nus da preparar las vacanzas a dretg temps.

Sumvitg, 26-05-2023

*Administraziun communal*

## **Uffeci civil Surselva**

### **Mortori**

***Bearth Erwin***, naschius ils 01-10-1934, morts ils 08-05-2023, staus sesents a Sumvitg.

***Derungs geb. Deplazes Mariuschla***, naschida ils 24-02-1934, morta ils 18-05-2023, stada sesenta a Rabius.

Sumvitg, 26-05-2023

*Controlla da habitonts*

## **Serrada via Crap Ner**

Muort in tagl da lenna ei la via da Crap Ner serrada naven dil caraun da Salvaplauna Su. La via resta serrada naven da mesjamna, ils 15-05-2023 entochen prevendentamein l'entschatta zercladur. Era las fin d'jamnas resta la via serrada.

Nus engraziein per Vossa capientscha.

Ulteriuras informaziuns survegnis Vus directamein da nies selvicultur Beat Cadruvi (tel. 079 638 18 19).

Sumvitg, 26-05-2023

*Uffeci forestal*

## **Lavurs vid Via Laus (Caplazi tochen sbuccada Via Puzzastg)**

Muort la sanaziun dalla Via Laus naven da Caplazi entochen la sbuccada dalla Via Puzzastg resta la via serrada entochen ils 28-07-2023. Per ils automobilists vegn mess a disposiziun duront il temps da construcziun in parcadi a Laus. Per saver carrar sill'alp Laus per motivs dall'agricultura ni specials astga duront il temps da construcziun vegnir fatg diever dalla Via Puzzastg. Per damondas stat Alexander Deplazes dil biro d'inschignier Deplazes (tel. 081 943 25 60) a disposiziun.

Sumvitg, 26-05-2023

*Departament traffic*

## **Infurmaziun: Impediments da traffic sin la via sursilvana tranter Sumvitg e Mustér**

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals 5 da zercladur fin ils 15 da fanadur datti perquai impediments e temps da spetga fin 30 minutas sin la via sursilvana H19, e quai mintgamai davent da gliendisdi saira fin la sonda en damaun da las 22.00 fin las 05.30.

Per infurmaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da guaud e privels da la natira engrazian per Vossa chapientscha.

Glion, ils 26 da matg 2023    Viafier retica

*Uffizi da guaud e privels da la natira*

## **Radunonza generala dall'Uniun Lag Salischinas**

Ei legra la suprastonza dall'Uniun Lag Salischinas d'envidar alla radunonza generala 2023. La radunonza ha liug **venderdis, ils 2 da zercladur 2023 allas 20.00 uras** ella halla da gimnastica a Sumvitg.

Suenter radunonza han liug duas presentaziuns cuortas dalla sviluppadra regiunala dalla Surselva Céline Meury e dil president dall'Uniun la pendentia Christian Loretz. Céline Meury informescha sur da sia lavur sco sviluppadra e sur da San Gottardo e Christian Loretz presenta il project dalla punt pendentia planisada naven da Mustér a Mumpé Medel.

### **Tractandas**

1. Avertura e beinvegni
2. Elecziun da dumbravuschs
3. Approbaziun dil protocol dalla radunonza generala 2022  
(*Protocol ei publicaus sin la pagina d'internet [www.lagsalischinas.ch](http://www.lagsalischinas.ch)*)
4. Rapport digl onn
5. Orientaziuns dalla Cumissiun Salischinas
6. Quen annual
7. Rapport dils revisurs
8. Discarga dalla suprastonza
9. Elecziuns
  - a. president
  - b. suprastonza
  - c. revisurs
10. Contribuziuns da commembradi
11. Varia

Nus sperein sin stedia participaziun e salidein cordialmein.

*La suprastonza dall'Uniun Lag Salischinas*

## **Uniun Archiv cultural Sumvitg - excursiun culturala a Val S. Pieder**

L'uniun Archiv cultural Sumvitg envida commembras e commembers e tut tgi che ha interess ad in'excursiun culturala a Val S. Pieder. Nus gudin ina guida el vitg da Val ed emprendin d'enconuscher historia, cultura e bia auter dils Gualsers.

Datum: sonda, ils 27 da matg 2023  
Partenza: allas 12.50 naven dil plaz scola a Sumvitg cun autos privats  
Retuorn: ca. allas 18.00  
Annunzias: tochen sil pli tard venderdis, ils 26 da matg 2023  
a Walter Deplazes (081 943 25 60, info@deplazes.ch)

Suenter l'excursiun vegn purschiu in pign refrestg.  
Tut ils cuosts surpren l'Uniun Archiv cultural Sumvitg.  
La medema excursiun vegn sco usitau era organisada per nos amitgs dil Forum cultural Tujetsch.

Cordialmein envida *l'Uniun Archiv cultural Sumvitg*

## **Nies Surrein**

**Radunonza annuala 2023 venderdis, ils 26-5-2023 allas 20.00** en casa da scola a Surrein.  
Suenter las tractandas prendein in sitg e stein da cumpignia. Novs commembers ein cordialmein beinvegna. Sannunziar per plascher sin e-mail surrein@gmx.ch. Per damondas 078 220 38 28. *La suprastonza*

## **Cuminonza Pro s. Benedetg, Clavadi e contuorn**

### **Invitaziun al di da lavur 2023**

#### **Sonda, ils 27 da matg 2023 allas 9.30 – 13.00**

Suenter: gientar sco usitau el restauant Miraval.

Sentupada allas 9.15: per S. Benedtg o plaun da crusch ed per Clavadi avon la resgia.

Uaffens: sco avon maun.

Uaffens preferi: ristials, forschs per caglias, palas ni zapuns. Uaffens per lavurs pli spezialas metta la PS en disposiziun. Sigerada e vons ei caussa da mintgin sez. Nus selegrein da buna partzipaziun e salidein *La suprastonza*

## **Societad da tir Vial Sumvitg**

Uonn organisescha la societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/as ni amitgs dil sport da tir da prender part al tir campester il qual ei gratuits. Ei legras nus zun fetg d'astgar beneventar Vus in da quels dis cheu tier nus a Plaun Petschen. Per il beinstar corporal eis ei era garantiu. **Il tir ha liug venderdis ils 2 da zercladur dallas 18.00–20.00 e sonda ils 3 da zercladur dallas 13.00–15.00. Il tir campester preliminar ha liug venderdis ils 26 da matg allas 18.00–20.00** medemamein a Plaun Petschen.

Cordialmein envida la *Societad da tir Vial Sumvitg*

## **Repower AG**

### **Stromunterbruch**

Für wesentliche Wartungsarbeiten wird die Energieversorgung wie folgt unterbrochen:

Ort: Val Sumvitg ab VAL bis RUNCAHEZ

**Unterbruch: von Dienstag, 30. Mai 2023 ca. 9.00 Uhr bis Dienstag, 30. Mai 2023 ca. 17.30 Uhr**

**Unterbruch: von Mittwoch, 31. Mai 2023 ca. 8.00 Uhr bis Mittwoch, 31. Mai 2023 ca. 18.00 Uhr**

Grund: Anpassungen Freileitung

Weitere Informationen finden Sie auf unserer Website: [www.repower.com](http://www.repower.com)

Bei Fragen oder Unklarheiten rufen Sie uns an: Surselva +41 81 926 26 66

Wir danken für Ihr Verständnis. *Repower AG*